

武陵縣志卷之四十八

同治壬戌編成

陽湖 惲世臨鑒定

邑人 陳啟邁纂輯

藝文志第四

武溪深行

漢馬援扶風

滔滔武溪一何深飛鳥不度獸不臨吁嗟哉武溪多毒淫

武溪深行

梁劉孝勝彭城

武溪深不測水安舟復輕暫借莊生釣還滯鄂君行懽歌爭
後發譟鼓逐前征秦地山川險黔中草木并林壑秋籟急猿
哀夜月明澄源本千仞迴峯忽萬縈昭潭讓無底太華推削

武陵縣志

卷之四十八 藝文志

一

成日落野通氣日極悵餘情下流曾不濁長邁寂無聲羞學
滄浪水濯足復濯纓

武陵泛舟

唐孟浩然襄陽

武陵川路狹前棹入花林莫測幽源裏仙家信幾深水迴青
嶂合雲度綠溪陰坐聽閒猿嘯彌清塵外心

留別武陵袁丞

王昌齡江甯

皇恩暫遷謫待罪逢知己從此武陵溪孤舟二千里桃花遺
古岸金澗流春水誰識馬將軍忠貞抱生死

武陵田太守席送司馬瀘溪

諸侯分楚郡飲餞五溪春山水清暉遠俱憐一逐臣

答武陵田太守

仗一作按

劍行千里微軀感一言曾爲大梁客不負信陵恩

武陵龍興觀黃道士房間易因題

齋心問易太陽宮八卦真形一氣中仙老言餘鶴飛去玉清
壇上雨濛濛

武陵開元觀黃鍊師院

松間白髮黃尊師童子燒香禹步時欲訪桃源入溪路忽聞
雞犬使人疑

武陵草堂

楊浚開元校書

草堂列仙樓上在青山頂戶外窺數峯階前對雙井兩來花

武陵縣志

卷之四十八 藝文志

二

盡濕風度松初冷登棧行不疲入溪語彌靜云能去塵服兼
欲事金鼎正直心所存諂諛長自省適知幽遁趣已覺煩慮
屏更愛雲林閒吾將卧南嶺

之任武陵寒食日途次松滋渡先寄劉員外禹錫

竇常金城

杏花榆莢曉風前雲際離離上峽船江轉數程淹驛騎楚曾
三戶少人煙看春又過清明節算老重經癸巳年憲宗元年幸
得枉山當郡舍退朝長詠卜居篇

送郭六侍從之武陵郡

劉長卿河間

常愛武陵郡羨君將遠尋空憐世界迫孤負桃源心洛陽遙

想桃源隔野水閒流春自碧花下常迷楚客船洞中時見秦
人宅落日相看斗酒前送君南望但依然河梁馬首隨春草
江路猿聲愁暮天文人別乘佐分憂才子趨庭兼勝遊澧浦
荆門行可見知君詩興滿滄洲

登司馬錯古城

劉禹錫 彭城

將軍將

一作實

秦師

一作帥

西南莫遐服故壘清江上蒼煙晦

一作

味

喬木登臨直蕭辰周覽壯前躅塹平陳葉滿墉高秋蔓綠

廢井抽寒菜毀臺生魯

一作魯

穀耕人得古器宿雨多遺鏃楚

塞鬱重疊蠻溪紛詰曲留此數仞基幾人傷遠

一作送目

善卷壇下作

武陵縣志

卷之四十八 藝文志

三

先生見堯心相與去

一作公

九有斯民既已治我得安林藪道

爲自然貴名是無窮壽瑤壇

一作臺

在此山識者常回首

武陵觀火詩

楚鄉祝融分炎火常爲虞是時直突煙發自晨炊徒盲風扇
其威白晝曛陽烏操綆不暇汲循牆還

一作甯

避踰怒如列缺

光迅與芬

一作棼

輸俱聯延掩四遠

一作達

赫奕成洪鑪洵疑雲

濤翻颯若鬼神趨當前迎焮郝是物同膏腴金烏入梵天赤
龍遊元都騰煙透牕戶飛焰生爍樞火山摧半空星雨灑中

衢瑤壇被髹漆寶樹攢珊瑚光

一作花

縣與琴焦

一作焦

旗亭無

酒濡市人委百貨邑令遺雙鳧餘勢下隈隩長燂烘舳舻吹

焚一作

照水府炙浪愁天吳災罷雲日晚心驚視聽殊高灰

辨廩庾黑土連闐闐眾燼合星羅遊氛鑠人膚厚地藏宿熱

遙林逞驟枯火德資生人庸可一日無御之失其道敲石彌

天隅晉庫走龍劍吳宮傷燕雛五 有沴氣先哲垂訐謨宋

鄭同日起時當賢大夫無苛自可樂弭患非所圖賢守恤人

瘼臨煙駐驪駒弔場色慘怵

一作怛

顏一作言

失詞劬愉下令蠲

里布指期輕市租閤垣適未立苦蓋自相娛山木行剪伐江

泥宜瑾途

一作塗

邑一作魯

臣不必曾

一作葦

何用徵越巫

謁柱山會禪師

柱山卽枉山

我本山東人平生多感慨弱冠遊咸京上書金馬外結交當

武陵縣志

卷之四十八

藝文志

四

世賢馳聲溢四塞勉修貴及早狙捷不知退錙銖揚芬馨尋

尺招瑕類淹留郢南都摧頽羽翰碎安能咎往事且欲去沈

疴吾師得真如寄在人寰內哀我墮名網有如翺飛輩瞳瞳

揭智燭照使出昏昧靜見元關啟欽然初心會風高一何微

今得信何大覺路明證入便門通讖悔悟理言自忘處屯道

猶泰色身豈吾寶慧性非形礙思此靈山期未卜何年載

採菱行

武陵俗嗜菱菱歲秋矣有女郎盛遊於馬湖薄言採

之歸以御客古有採菱曲罕傳其詞故賦之以俟採

詩者

白馬湖平秋日光紫菱如錦綵鴛翔蕩舟游女滿中央采菱
不顧馬上郎爭多逐勝紛相尙時轉蘭橈破輕浪長鬢弱袂
披參差釵影釧光浮蕩漾笑語哇咬顧晚暉蓼花緣岸扣舷
歸歸來共到市橋步野蔓繫船萍滿衣家家竹樓臨廣陌下
有連牆多估客攜觴薦菱夜經過醉踏大隄相應歌屈平廟
下沉江水月照寒波白煙起一曲南音此地聞長安北望三
千里

競渡曲

競渡始於武陵及今舉楫而相和
其音咸云何在斯亦招屈之意

沅江五月平隄流邑人相將浮綵舟靈均何年歌已矣哀謠
振楫從此起揚桴擊節雷闐闐亂流齊進聲轟然蛟龍得雨

武陵縣志

卷之四十八 藝文志

五

鬢鬣動螭螭飲河形影聯刺史臨流塞翠幃揭竿命爵分雄
雌先鳴餘勇爭鼓舞未至銜枚顏色沮百勝本自有前期一
飛由來無定所風俗如狂重此時縱觀雲委江之湄綵旗夾
岸照蛟室羅襪凌波呈水嬉曲終人散空愁暮招屈亭前水
東注

秋日送客至潛水驛

候吏立沙際田家連竹溪楓林社日鼓茅屋午時雞鵲噪晚
禾地蝶飛秋草畦驛樓官樹近疲馬再三嘶

竇朗州見示與澧州元郎中早秋贈答命同作

鄰境諸侯同舍郎芷江蘭浦恨無梁秋風門外旌旗動曉露

庭中橘柚香玉簟微涼宜白晝金笳入暮應清商騷人昨夜
聞鶗鴂不歎流年惜眾芳

朗州竇員外見示與澧州元郎中郡齋贈答長句二篇
因以繼和

鴛鴦參差出建章綵旗朱戶蔚相望新恩共理犬牙地昨日
同含雞舌香白芷江邊分驛路山桃蹊外接甘棠應憐一罷
金閨籍枉渚逢春十度傷

酬朗州崔員外與任十四兄侍御同過鄙人舊居見懷
之什時守吳郡

昔日居鄰招屈亭楓林橘樹鷓鴣聲一辭御苑青門外十見

武陵縣志

卷之四十八 藝文志

六

蠻江白芷生自此曾沾宣室召於今又守闔閭城何人萬里
能相憶同舍仙郎與外兄任侍御余外兄崔員外南宮同舍

寄朗州溫右使曹長

暫別瑤墀鴛鴦行綵旗雙引到沅湘城邊流水桃花過簾外
春風杜若香史筆枉將書紙尾朝纓不稱濯滄浪雲臺公案
家聲在徵詔何時出建章

漢壽城春望

自注古荆州刺史治亭下有子胥廟楚王古墳

漢壽城邊野草春荒祠古墓對荆榛田中牧豎燒芻狗陌上
行人看石麟華表半空驚霹靂碑文纔見滿埃塵不知何日
東瀛變此地還成要路津

風門山亦作陽山
廟觀賽神

漢家都尉舊征蠻血食於今配此山曲蓋幽深蒼檜下洞簫
愁絕翠屏間荆巫默默傳神語野老婆娑啟醉顏日落風生
廟門外幾人連踏竹枝還

武陵書懷五十韻

案天官書武陵當翼軫之分其在春秋及戰國時皆
楚地後爲秦惠王所并置黔中郡漢興更名曰武陵
東徙於今治所常林義陵記云初項籍殺義帝於郴
武陵人曰天下憐楚而興今吾王何罪乃見殺郡民
縞素哭於招屈亭高祖聞而異之故亦曰義陵今郡

武陵縣志

卷之四十八 藝文志

七

城東南亭舍其所也晉宋齊梁間皆以分王子弟事
存於其書永貞元年余始以尙書外郎出補連山守
道貶爲是郡司馬至則以方志所載而質諸其人民
顧山川風物皆騷人所賦乃具所聞見而成是詩因
自述其出處之所以然故用書懷爲目云

西漢開支郡南朝號戚藩四封當列宿百雉俯清沅高岸朝
霞合驚湍激箭奔積陰春暗度將霽霧先昏俗尙東皇祀謠
傳義帝冤桃花迷隱跡棟葉慰忠魂戶算資漁獵鄉豪恃子
孫照山畚火動踏月俚歌喧擁楫舟爲市連薨竹覆軒披沙
金粟見拾羽翠翹翻茗折蒼溪秀蘋生枉渚妍禽鳴格磔起

魚戲唼喁繁沈約臺榭故李衡墟落存湘靈悲鼓瑟泉客泣
酬恩露變蒹葭浦星懸橘柚村虎咆空野震鼉作滿川渾鄰
里皆遷客兒童習左言炎天無冽井霜月見芳蓀清白家傳
遠詩書志所敦列科叨甲乙從宦出邱樊結友心多契馳聲
氣尙吞士安曾重賦元禮許登門草檄嫖姚幕巡兵戊己屯
築臺先自隗送客獨留髡遂結王畿綬來觀衢室罇鳶飛入
鷹隼魚目儷瓊璠曉燭羅馳道朝陽闢帝閭王正會夷夏月
朔盛旗旛獨立當瑤闕傳呵步紫垣按章清犴獄視祭潔蘋
繁御歷昌期遠傳家寶祚蕃繇文光夏啟神教畏軒轅內禪
因天性雄圖授化元繼明懸日月出震統乾坤大孝三朝備

武陵縣志

卷之四十八 藝文志

八

洪恩九族惇百川宗渤解五岳輔崑崙何幸逢休運微班識
至尊校緡資筦權復土奉山園一失貴人意徒聞大學論直
廬辭錦帳遠守愧朱幡巢幕方猶燕槍榆尙笑鯤遭迴過荆
楚流落感涼溫旅望花無色愁心醉不愜春江千里草暮雨
一聲猿問卜安冥數看方理病源帶賒衣改製塵澀劍成痕
三秀悲中散二毛傷虎賁來憂禦魑魅歸願牧雞豚就日秦
京遠臨風楚奏煩南登無灞岸旦夕上高原

晚歲登武陵城顧水陸悵然有作

星象承鳥翼蠻陬想犬牙俚人祠竹節仙洞閉桃花城塞歷
漢魏江源自賚巴華表廖立墓粟地黃瓊家霜輕□□晚石

淺水紋斜樵音繞故壘汲露明寒沙清風稍改葉盧橘始含
葩野橋過驛騎叢祠發迴笳跳鱗遊舉網倦鳥寄行楂路塵
高出樹山火遠連霞夕曛轉赤岸浮靄起蒼葭軋軋渡水槩
連連赴林鴉叫闔道非遠賜環期自賒孤臣本危涕喬木在
天涯

經伏波神祠

蒙蒙篁竹下有路上壺頭漢壘磨齧鬩蠻溪霧雨愁懷人敬
遺像閱世指東流自負霸王畧安知恩澤侯鄉園辭石柱筋
力盡炎洲一以功名累翻思馬少遊

武陵春日

王建
潁川

武陵縣志

卷之四十八 藝文志

九

尋春何事卻悲涼春到他鄉憶故鄉秦女洞桃欹澗碧楚王
隄柳舞煙黃波濤入夢家山遠名利關身客路長不似冥心
叩塵寂玉編金軸有仙方

善卷祠

辭巽
河東

子長愛奇故不收況乃著論非許由先生踪跡重埋沒引舜
作證應點頭天下大器尙不欲萬古虛名豈願留江北漫空
山不靜說著高風簪可投

舟次武陵寄天竺僧無書

許渾
丹陽

谿長山幾重十里萬株松秋日下丹檻暮雲歸碧峰樹棲新
放鶴潭影舊降龍還在孤舟宿臥聞初夜鐘

春申君墓

杜

牧

萬年

烈士思酬國士恩春申誰與快幽魂三千賓客總珠履欲使
何人殺李園

送武陵王將軍

馬

戴

龍尉

河外今無事將軍有戰名艱難長劍缺功業少年成曉仗親
雲陞寒霄突禁營朱旗身外色玉漏耳邊聲開閣談賓至調
弓過雁驚爲儒多不達見學請長纓

武陵路

司空圖

虞鄉

橘岸舟閒罾網掛茶坡日暖鷓鴣啼女郎指點行人笑知向
花間路已迷

武陵縣志

卷之四十八 藝文志

十

屈原廟

崔

塗

江南

讒勝禍難防沈魂信可傷本圖安楚國不是怨懷王廟古碑
無字洲晴蕙有香獨醒人尙少誰與奠椒漿

送友人歸武陵

張

蟻

清河

聞近桃源住無村不是花成旗招海客廟鼓集江鴉別島垂
橙實閒田長荻花遊春未得意看卽是離家

過德山寺

崔

翥

一徑入叢林天風散梵音路晴泥尙滑牆敗竹斜侵布穀春
方及催耕日未沉偶來成憇息因悟老禪心

車橋寺

許水東

回首車橋感舊遊
客懷寥落淡如秋
溪邊若也逢巢父
莫□牽牛飲上流

寄武陵道友

僧齊己 益陽

阮肇迷仙處
禪門接紫霞
不知尋鶴路
幾里入桃花
晚樹陰搖蘇
春潭影弄沙
何當見招我
乞與片生涯

寄武陵微上人

善卷臺邊寺
松筠繞祖堂
秋聲度風雨
曉色遍滄浪
白石同誰坐
清吟過我狂
近聞爲古律
雅道更重光

懷歸武陵因寄幕中韓先輩何從事

武陵嘉致跡多幽
每見圖經恨白頭
溪浪碧通何處去
桃花

武陵縣志

卷之四十八 藝文志

十一

紅過郡前流
常聞相幕駕
鴻興日向神仙洞
府遊鑿井耕田
人在否
如今天子正徵搜

步出武陵東亭臨江寓 一作望

張 白衡州

鷹至感風候
霜餘變林麓
孤颿帶日來
寒江轉沙曲
戍搖旗影動
津晚櫓聲促
月上彩霞收
漁歌遠相續

武陵行

宋梅堯臣 宣城

生事在漁樵
所居亦煙水
野艇一竿絲
朝朝狎清泚
忽自傍藤陰
乘流轉山觜
始覺景氣佳
潛通小溪裏
常時不見春
入谷驚紅蕊
幽興窮綠波
翫芳心莫已
花外一峯明
林間碧洞啟
聞雞犬音漸
悟人煙邇
捨舟遂前行
石徑劣容屣
豁然

有田園竹果相叢倚，龐眉髻髻人。倏遇心顏喜，尙作秦衣裳。
那知漢姓氏，自言逢世亂。避地因居此，來時手種桃。今日開
如綺，更看水上花。幾度逐風委，競引飯彫胡。邀飲酌瓊醴，復
呼童稚前。綠鬢仍皓齒，翻遣念還茅。思歸釣鱸鯉，將辭亦贈
言。勿道邱壑美，鼓枻出仙源。繁音猶邈迤，薄暮返滄洲。微風
吹白芷，他日欲重過。茫茫何處是。

明王寺

唐 介 江陵

日高霞散彩，松老鶴巢枝。壞壁詩猶在，紗籠何用之。

題司馬錯城

陶 弼 祁陽

北設長城陷敵塵，更來勞役武陵民。我觀洞裏栽桃者，便是

武陵縣志

卷之四十八 藝文志

十二

當時築版人

常德

曲臺風月德山雲，夢想中間幾度春。臣葬江魚終愛楚，民逃
花洞不思秦。

雙松亭

黃庭堅 分甯

文殊堂下松永日，如鳴琴。我登雙松亭，時步雙松陰。中有寂
寞人，安禪無古今。

武陵道中

唐 庚 丹稜

朝辭漢使節，暮作楚囚奔。路入離騷國，江通欵乃村。垣牆知
地溼，草木驗冬溫。寂寞桃源路，行人祇斷魂。

題鼎州甘泉寺

范 諷 齊州

平仲酌泉回北望謂之禮佛向南行煙嵐翠鎖門前路轉使
高僧厭寵榮

登孤峯

唐 績 零陵

昨浮枉渚水今上枉人山想像雲深處先生獨往還

武陵春雪

張 斛 漁陽

天風吹雪滿千山不見桃花泛碧瀾洞裏仙人貪種玉豈知
人世有春寒

武陵客居

師 巖 襄陽

浩蕩千年調饑寒八尺身不愁逢魍魎可笑繫麒麟殘雪江

武陵縣志

卷之四十八 藝文志

十三

村路空山澗水春時危終遠去道在豈全貧

遊德山

周必大 臚陵

閒來楚望看江山水澗分流又一灣古剎經行修徑裏孤峯
環繞翠筠間昔人舊塔今雖在道價高風不可攀因念叢林
宛如舊當年有願幾時還

四望村深面面山臨流田舍滿江灣僧居樓閣翠微外人在

煙波欸乃間露重天寒何大早橙黃橘綠已堪攀風光無限

吟難盡他日重來且暫還 案德山詩碑無作者姓名
疑非益公作辨見職官志

遊陽山

秦人溪畔漢人山萬木參天六月寒寫向陽休詩集裏老僧

要作畫圖看

善卷祠

闕名

山擁翠屏千疊秀，澗拖輕練一條深。
堯時高士煙霞洞，依舊丹爐鎖桂林。

武陵春曉曲

元張天英
温州

武陵春曉煙冥冥，漁歌蘭棹搖殘星。
溪涵山氣綠如酒，幽禽啼破松煙青。
天上時聞鳳凰曲，金門飛夢人初醒。
長嘯銀臺月巾落，空翠著衣香霧薄。
忽見安期蓬海東，劍佩從風降元鶴。
陽鳥銜火懸扶桑，袖卷紅雲朝帝旁。
手攬龍車覩天光，下覩蟻國空千霜。

武陵縣志

卷之四十八 藝文志

十四

棲雲軒

顧瑛
崑山

春雲壓簾飛不起，暖氣葱蘢百餘里。
桃李亭亭笑酣春，谿邊浣花染溪水。
武陵才人碧窗底，青霓衣裳白霞裏。
翠煙點染猩猩毛，冰綃凝文露華洗。
山光入眼青青迷，小鳥向人啼復啼。
前村後村樹如蓋，柳花起舞迴風低。
雲師雨師浩無據，驅雲勞勞向何處。
請君勸師一杯酒，更借白雲簷下住。

陽山圖

前春別晏武陵溪，候館垂楊暖拂隄。
忽見畫圖疑是夢，故人回首洞庭西。

楚望亭

丁鶴年
西域

天垂六幕水浮空
霽月光風上不同
我向山頭一舒笑
楚人還望白雲中

到三山馬汝舟家在常德欲托附書與李泰適安

明蘇觀

蕭蕭驄馬憇三山
遊子相逢一破顏
楊柳春風官舍靜
桃花流水釣舟閒
棘端最險猴猶立
華表雖遙鶴欲還
早晚寫書來附汝
鼎城千里寄柴關

善卷壇

應履平奉化

高蹈先生樂遁栖
荒臺空倚武陵溪
孤峯幾見留殘照
斷石還能覓舊題
千載清風江浩渺
一川明月草萋迷
於今復見

武陵縣志

卷之四十八藝文志

十五

雍熙治漫許相從策杖藜

崔漣井

老嫗香葛古瓦盆
當時勝入杏花村
天邊跨鶴人何在水底
鳴蛙石尙存丹竈
風殘吹短綆
轆轤月落照空樽
題詩欲問張虛白
說着青鞋恐斷魂

武陵曉泛

辭瑄河津

今朝風日好來泛
武陵溪碧水寒依岸
蒼林遠護隄沙光
搖野馬人語散
鳧鷖二月桃花發
還因處處迷

龍門禱雨歌

闕名

龍門勝境由天作
形勢峩嶷鎮磅礴
化工神妙非雕琢
怪石

奇山似蓬弱前村土穴疇能鑿容納百川並萬壑穿山入洞
湍飛躍洞裏乾坤大開拓潭深萬仞不可度徹底澄清撓不
濁後門仰天無鎖鑰出入應須結繩索幽崖數里長漠漠然
炬趨趨難著脚中有洞房殊寥廓古來云是觀音閣神龍有
像垂纓絡童子兩旁微露膊擎天石柱勝刀削四壁溜文成
孔雀於後澄潭纓可濯莫究何人橫木樅渡入龍宮迷六幕
但見石龍眠案卓偃仰崢嶸露頭角鱗甲光輝渾玉璞口噴
清泉勝酥酪布露興雲在掌握有祈必應真的確親驗其然
語非謔偶因旱魃恣爲虐火旗燒空誠熾煇金石斯時盡銷
鑠禾稼焦枯被熏灼父老填名訴民瘼爭訝龍門堪禱禴夏

武陵縣志

卷之四十八 藝文志

十六

侯仕麒麟才卓犖駿馬雕鞍來會約我忝專城膺寄托肯畏勤
勞或推却車騎聯鑣遜鞭著夾道傳呼眞李郭引睇龍門雲
閃爍驟雨忽來人不覺倉忙趨走霑囊橐偶遇仙祠暫棲泊
晚宿禪林暑氣薄細聽僧戶轉更柝侵晨請禱心虔恪自責
居官多誤錯地雷隱隱無擊搏嵐氣氤氳覆幃幄夏侯入洞
聞仙樂工祝致告神喜諾敬取龍涎水一勺寶瓶盛來旋封
縛騎卒導前橫玉槩盤空護送來雙鶴中途水沸瓶漬淪旄
倪迎迓皆驚愕須臾蒼天雲邈邈雷電掀轟交煜爚輕飈疎
雨隨車落良久淋漓且不惡甘霖三日無停霽震霖旣優仍
旣渥嗟嗟雨暘正時若田疇萬頃回枯涸良農競誇有秋穫

老圃亦言棗堪剝病者自痊何用藥憂者騰權皆大噓僚口
相親動杯酌滿堂嬉笑交酬酢合郡軍民同此樂風俗頓然
復醇樸慚予性拙兼無學紀述神工多忽畧安能長虹巨筆
詞豐博寫出龍異同五嶽

案此詩舊載劉禹錫作今劉集中無此詩其云我黍專城
夢得僅爲州司馬不得云爾又云夏侯仕麒惟明成化
間衛指揮有此姓名是時知府楊宣禱雨有驗作歌此詩
必宣所作通志亦沿其誤故辨正之

德山次韻

楊 禴 邑人

家近滄江復邇山青螺斜枕綠楊灣斷崖瀑罅虹千尺絕頂
僧分雲半間鳥逐風斜迂閣度猿窺果熟隔枝攀梵鐘縱報
諸天暝漁笛徐吹釣月還

武陵縣志

卷之四十八 藝文志

十七

寓武陵詩

何景明 信陽

驅馬山上行山高何巍巍修阪接飛翼百步仍九迴俛視煙
靄中眾山鬱何壘茫然望四海萬物亦已衰昔我別京國朱
華猶未希歲節忽復易何時當旋歸

山深多樹木百里人民稀時有四五家茅茨隔山陂沙田不
可耕何以禦歲饑門前數畝園祇收蓬與藜平明出汲澗薄
暮始得炊童稚那敢出但未逢虎羆草黃納晚禾桑綠催官
絲嗟爾遠方人辛苦誰具知

山勢行轉促連峯相貫輪窈然林莽中乃復得坦途青壁結
煙靄縹緲凌虛無層阿秀嘉禾下覆青水渠風志好幽僻覽

茲耳目娛公車雖少延顧盼忽已踰安得鼓□琴日生山□
隅

德山次韻

秦 金
湖廣
巡撫

看遍湖南北岸山天留僧寺枕江灣煙霞縹緲紅塵外樓閣
參差碧落間風靜竹林聊徙倚雲深蘿徑更躋攀茲遊冠絕
平生興莫怪豪吟夜未還

題德山寺

杜 庠
長洲

米芾留書必大詩佛龕唐像更威儀白龍井畔金剛塔並作
山中五事奇

潮音閣

王守仁
餘姚

武陵縣志

卷之四十八 藝文志

十八

高閣憑虛臺十尋捲簾疏雨動微吟江天雲鳥自來去楚澤
風煙無古今山色漸疑衡嶽近花源欲問武陵深新春尙阻
東歸楫落日誰堪話此心

閣中遇雨

臺下春雲及寺門懶夫睡起正開軒煙蕪漲野平隄綠江雨
隨風入夜喧道意蕭疏慚歲月歸心迢遞憶鄉園年來身迹
如漂梗自笑迂癡欲手援
雨霽僧堂鐘磬清春溪月色特分明沙邊宿鷺寒無影洞口
流雲夜有聲靜後始知羣動妄閒來還覺道心驚問津久已
慚沮溺歸向東臯學耦耕

盡日僧齋不厭閒，獨餘春睡得相關。
簷前水漲遂無地，江外雲晴忽有山。
遠客趁墟招渡急，舟人曬網得魚還。
也知世事終無補，亦復存心出處間。

送趙德翁教授常德

王沂泰和

問君捧腹笑何事，笑我身逢雌甲辰。
豈但下帷傳老子，翻然回棹覓秦人。
伏波祠畔青楓晚，招屈亭前白芷春。
莫把新詩教楚女，竹枝歌罷恐傷神。

善卷釣臺

冀元亨邑人

先生此避地，巢許應同時。
朗水逾清潁，孤峯勝九嶷。
岸花迷繫艇，江月靜垂絲。
樂志遺風在，悠悠百代師。

武陵縣志

卷之四十八 藝文志

十九

德山次韻

毛伯溫吉水

帝子傳宣看此山，畫舟歌鼓入江灣。
山當紫翠空濛裏，人想唐虞揖遜間。
松柏歲寒心未老，星河夜靜手堪攀。
無官更是無家累，也可春風二月還。

題張學士陽峯卷

唐順之武進

陽山秀色滿南州，薜荔叢生楚客遊。
三峽猿聲偏入夜，千巖楓葉早知秋。
仙人結宅雲煙近，太史藏書洞壑幽。
更欲焚魚應未得，共言明主待謨謀。

武陵莊雜咏

張時徹鄞縣

秉願物外遊，結欣在何許。
覓路辨青山，沿洄遵枉渚。
丹邱忽

戾止煙霞密如堵中有千年松滴翠紛成雨叢篁茁新玉
木羅珍羽眺聽不勝奇日夕愴容與

武陵道中卽事

歇馬夕陽西下開尊皓月初生正愛庭前樹影忽聞溪上鐘
聲

白水亂春沙岸青螺半掩柴門度嶺長隨鶴馭尋津誤入桃
源

武陵莊

沈明臣 鄞縣

青精作飯紫萸羹飽後微吟水上行不道空山曾有寺隔溪
風送午鐘聲

武陵縣志

卷之四十八 藝文志

二十

過石公渡

陸 垵 嘉善

渡頭煙火石家村孝友猶能十世敦底事荆花易榮悴漫煩
太守爲書門

桃岡卽事

蔣 信 邑人

籊笠藤蓑此寄眠鶯嘒花發重今年旋栽松桂樹千本閒和
滄浪詩百篇勝客每慚攜酒過佳晨空負看溪還何時計取
青蚨足買箇支篷鴨嘴船

於信夫邀餞潮音閣

吳國倫 興國

萬里秋風動五溪空王臺殿白雲齊客來蓮葉舟堪繫仙去
桃花渡已迷握手故人非少壯攜樽落日更攀躋憑闌醉問

黔陽道悵指蠻煙楚塞西

對湘樓卽事

案樓在德山

王啟茂

石首

客裏仍多事高樓暫閉關春隨飛絮盡心與落花閒樹外遙
看水月中猶見山武陵溪上住已似隔人間

出宮七曲

闕一

龍

膺邑人

賦獻長門聖主憐纔蒙一顧賜金錢忽傳詔旨和戎去絕塞
琵琶萬里天

金屋何當寵欲移不禁女伴妒蛾眉賜環未卜紅顏老夢到
深宮玉筯垂

一蒙恩譴別千門辭闕何曾面至尊不分生爲厮養婦誰知

武陵縣志

卷之四十八 藝文志

二一

死作漢宮魂

玉樓回首幾沾裳不及花飛入御牆最恨泣辭金殿日翠華
遙望幸平陽

片花冉冉御溝流一出深宮不自由回憶玉階圓月夜湘簾
清影上銀鈎

日望長安蔽白雲春殘細雨濕羅裙無端林鳥如簧舌猶逐
征人馬上聞

秋夜宿武山文昌閣

懸崖飛閣倚江開一片瀟湘落酒杯芸草滿牕煙霧色千秋
傳是讀書臺

霜冷烏啼夜欲闌
自榆歷歷過蘆端
孤槎曾作尋源客
清切星河枕上看

樓櫓乘秋軋軋聞
風迴沙渚散鷗羣
橫江寂歷漁梁火
野色波光亂白雲

八月濤聲萬壑松
江天曙靄度晴鐘
何人抱膝吟梁父
欲老山中學卧龍

登河湫山

袁宏道 公安

高閣俯蒼崖下有
花源路料得避秦
人入山從此去潭
水浣山膚膚盡紅
霞露老蛟挾瘦石
千古盤渦怒溪上
盡漁郎誰識花流
處事往白雲新人
去青山故挂却茱
萸囊長嘯倚丹

武陵縣志

卷之四十八 藝文志

二二

樹

過龍君超翠微山莊

掃石移尊處披雲
曳杖行岡巒頻轉
換郭郭偶生成溪
盡田家出山迴仄
路平遠峯稠疊處
蒼翠撲軒楹

閒卽攀蘿上慵來
枕石眠田廬除翠
壁雞犬入層煙竹
院通茶戶山鄉近
水墨主人心但了
勝作苦形仙

買足青山地幽回
構屋居暮煙慈竹
嶺秋水菊花渠煉
石爲方藥磨風寫
道書丹砂如就得
拔去卽仙廬

閉却層崖道人閒
鳥不知漁樵分氏
族花果認干支滴
露新梧子參雲老
檜枝龍髯曾此去
巒壑也堪疑

託龍君超爲覓仙源隱居

雲石村中旦卜廬憑君爲買一峯餘全栽芝菊爲疆界盡寫
雲嵐入券書門對仙童澆藥地巷通毛女浣花渠閒中每愛
天台去好與劉晨比屋居

別龍君超兄弟

青鞋不破武陵春歸去西風一面塵荷葉山頭聞杜宇

余村居名

荷葉山

桃花源上別秦人深村稻熟泉當戶廢苑茶香寺作隣

可是無花無地主祇緣無計得分身

過武陵懷龍觀察

范 洵 烏程

去指黔鄉近回瞻楚甸遥郡門臨白浪驛路疊青霄積雨寒

武陵縣志

卷之四十八 藝文志

二三

初霽長煙濕未消征鞍停不可無賴是今朝

武陵道中

張鳳翥 宿松

孤城臨古渡斜日一舟橫北渚離人目西風遠客程藤疏知
樹冷櫂響信江平不用分漁火前村月已深

桃岡祠

趙貞吉 內江

種玉遥辭渡海居種桃新滿避秦墟青青林卧觀無始濯濯
壺天養太初霜藿瓦盆鸚啄粒石田磁甕象耕書我來問道
分離黍正是漁郎一渡餘

武陵精舍六首

岳 岱 蘇州

南湖春雨

紫燕銜青泥南湖事東作一犁衡嶽雨細逐桃花落婦子餉
田歸平皋煙漠漠

河湫漁梁

白石何纍纍流水亦復急茅茨對夕暉敝笱待鮮食曬翅滿
漁梁鷓鴣與鷓鴣

西山煙寺

雨過落花深春眠嬾無事起望西山雲不見山中寺日高忽
聞鐘驚散雲峯翠

桃溪夜月

可憐武陵溪本自仙源水漁舟昔延緣未盡巖壑美石門今

武陵縣志

卷之四十八 藝文志

二四

已迷月照千峯裏

竹灣雪艇

鷗飛江上雪雪覆江邊竹扁舟不可渡遠望迷川陸漁父暮
歸來蓑衣滿珠玉

金霞夕照

鳥歸山日落石壁開返照餘霞赤城標復映臨海嶠披襟坐
春臺幽懷發孤嘯

枉人山

楊嗣昌 邑人

溪山良自昔復此足幽篁網戶留遷客僧寮割讓王掠沙晴
雪過觸石古雲香願結清娛地生生墮勿忘

路自攢峯入盤旋萬谷中山深遲見日樹老易驚風梵刹依巖出龍泉與海通塵蹤從此隔未許往來同

卜居洞庭西汜四首

唐 訪邑人

我亦能來湖上住自稱湖上湖邊人歲三百六十朝夕家魴鯉鱸鱖比鄰致祭靈均兼少伯射書海若與河神荒唐自擬同開地水國如雲叙族姻

北水東流不至海中橫大澤受汪洋有如五霸分王運獨向諸州割一方何可無人當此際後先爲烈跡無荒湖人白首傳遺事要說當年胡與唐

人間耳目尋常過物外見聞誰得逢野鳥能言黃帝樂遊魚

武陵縣志

卷之四十八 藝文志

二七

解學湘君容浮天便促千山月布網橫遮百尺龍湖棹湖歌紛雜沓閒同吳語喚歡儂編蘆爲壁茅爲蓋鹽蚌作調魚作羹羣鷺乍鳴鳧入伴老牛片白犢無駢缺薪細束青蕃草數夜時支鼻息更敢謂官租如髮密征徭重處且逃輕

入德山

陶汝鼎 甯鄉

數載看山約扁舟到偶然雪殘乾葉路雲淡養花天林始經春氣僧方足午眠出山松色暝晚磬落橋邊

同鄭太守遊枉山并贈

一片孤峯放鶴天使君爲郡淡如禪年來亭上瑩瑩月照過

春城萬井煙

十念詩

郭金臺 湘潭

念武陵也楊公嗣昌受先帝特簡以督師閣部辦獻
逆公誓諸帥欲生得獻獻垂盡會守襄撫軍某失利
獻潰圍出陷襄陽公嘔血死踰年獻陷湖南數郡常
切齒楊公曰二十年健漢被他驚破膽子乃圖掘公
之墓報怨而西

高名飈起挾孤巍哀罷承恩應采薇殿上瑰詞雄御筆史臣
博辨鬪危機輸人一紙全忠盡驍賊頻年破膽歸身後淩煙
何處覓忍看彌路拭塵飛

武陵縣志

卷之四十八 藝文志

二八

詠懷古蹟 錄二首

國朝 賀 奇 邑人

崔婁井

過饒每怪張虛白巧賺無如崔阿婁賒取武陵溪口醉換來
河湫酒泉多千年有跡勞碑碣古井無波長薜蘿若使行吟
屈子在應稱獨醒不相過

萊公泉

水流山寺幾千世名額萊公數百年范諷留詩稱有筆南軒
題榜獨尊賢名山本以良臣重勝蹟不容宵小傳感賦於今
稱厚幸盜泉應自愧甘泉

善卷壇

婁鎮遠 奉化

先生隱德卽爲仙遺跡山中蓋有年欲向花開問甲子莫從
身外覓丹鉛

楚僧元瑛談湖南三十年來事

顧炎武 長洲

督師公子竟頭陀詩筆崢嶸浩氣多兩世心情知不遂待誰

更奮魯陽戈

武陵楊公
子山松

辛丑武陵道中

楊兆傑

遠涉邊圉不憚蹉傷心民屋戰場多二陵有淚悲風雨四月
無人刈麥禾鼠社荒煙橫敗壁鸛巢殘葉覆疏蘿十年底定
猶如此新闢巖疆更若何

重遊武陵

劉舜濬 臨桂

武陵縣志

卷之四十八 藝文志

二九

江城閉戶讀殘書懷古重尋善卷廬滿面衰容資酒盃數莖
短髮倩風梳野花搖落悲啼鳥石徑崎嶇怯蹇驢景物盡隨
時序變人情款洽似當初

春仲讀書仁壽菴

案菴在東門外
三里許鹽關上

胡統虞 邑人

水滿池塘長綠萍看花半是葉青青春光已過五十日偏到
花開春不晴

舟次枉山

陳維國 邑人

扁舟過枉山山暝鳥空喚夕陽掛松嶺冷風吹沙岸孤峯南
對鼎江樓白雲片片入江流江上雲飛人不見一鈎新月爲
誰留

荷亭歌

荷亭在城南爲鎮平將軍
建後其子撤毀感而賦之

徐昌夏

邑人

武陵城南水一池粉蝶倒映光陸離中有芙蓉數千本開時
丹碧相參差翩如妃子朝酣酒顏色盡染紅胭脂又如麗人
足春睡曉粧豔態冰奩窺凌波仙步亭亭立素質皎不染淤
泥兩岸垂楊助嬌舞掠水籠煙三萬枝城中樓閣魚鱗集幽
涼一片人相遺吾宗將軍不好武花間常過恣遊嬉誅草爲
亭臨水立長廊曲檻蔽罍罍校獵平津興偶暇角巾野服散
神疲美人隊隊遶花出瑤簫玉管調冰絲畫船蕩槳穿荷葉
采蓮曲遏行雲遲月落漏闌燈影寂墮珥遺簪紛履綦有時
椎牛宴將士鼓角喧闐驚蛟螭華旗高舉車行酒下搖秋水

武陵縣志

卷之四十八

藝文志

三十

揚春漸太平無事邊圉靜點綴偶爾理亦宜一時人事浮雲
變池魚殃及庸奴癡風裏霜蓬怒疾捲毀滅塵空彈指時楊
柳青青水仍綠花開四顧聞嗟咨繁華寂寞自古恨殘毀翻
增行路悲斜陽過此亦嘆息寒風陣陣吹敝絺

荷亭歌

徐昌支

邑人

君不見城南荷池水瀾漫荷風搖折亭亭幹去來不見采蓮
人桂館松軒逐雲散往歲將軍射獵歸班騅長繫垂楊岸徵
材伐石起突兀旌旗拂水光凌亂亭中飲酒亭下舞羅韞凌
波未頻換曼聲抗墜曲欲終哀箏急管風吹斷將軍聽之起
三歎雄心漸滅隨霜霰酒闌月墮可憐秋花底鴛鴦重被彈

荷亭荷亭人事興衰何足算今日灰飛昨霞燦回頭池水涸
生塵彈指花開燦如爛新蒲細柳愁殺人黃昏莫上荷亭看

歸漸水呈汲菴先生

石鯨邑人

草堂澹無營丹鉛事編改上下四千年門戶爭樞機舊史久
不成此念蓄已每虞卿小著書魯連久蹈海嗟我困貧賤責
大任云猥聊當植根撥後起施蓓蕾故入出亡命從事請自
隗先生舊史臣零落一老在掌故夙所諳是非岌危殆鯨也
寡庶人義不顧刑醢誓將隨夫子竭力正豕亥聞見陋一隅
緩駕秣駑駘搜輯備國風以待彤廷采不然藏名山厥重均
鼎鼐請事勿沈吟老至將毋悔悠悠千載心俯仰其誰待

武陵縣志

卷之四十八 藝文志

三一

鷹來詩

草堂初告績颯然墮蒼鷹槎枒無所忌排闥歷階升先生坐
稿木隱几非昔凭感汝萬里姿突爲犬所憑兒童乘其便掣
以轆轤繩相君面與背厥貴誠可馮準若青鐵屈眼如紫石
棱魑顏老蹙鶻荆楛拿虎膺側目視天地鳶肩而火騰俯看
黃雀輩毳毳空毳毳羽翼亦已就橫絕追大鵬韓盧噲等伍
未許相轢較從事鞬臂間成功甯獨矜操其雙老拳頓欲斃
厥朋鄩侯文無害心忌淮陰能兒童撼物類欲報思用鄙我
叱緩其縛置之屋上層丈人屋上烏胡然分愛憎乞憐肯搖
尾顏色何嚴凝忍令雲霄質仰愧飛蟲薨眾生事陰謀機用

強弓弮匿形巧攫逐狡兔常兢兢春秋謹無禮本以搏擊爾
焉得猛士兮天路除恢宏毅然脫繚綻借汝長風凌南方氣
卑溼上霧下潦蒸翩然快遠遊擇處毋因仍鉤祛猶在此齋
羹宜吹懲行行善寶之聊亦記吾曾

河湫山

唐祚培 邑人

孤峯直聳出層巒水落平江第一關魚渡石梁清可數帆如
鷗立影相連山光爲我開生面酒債頻償資杖錢記得他時
歸隱處小舟常泛月波前

弔故藩陵

陳養元 邑人

溪帶荒陵淺雲遮翁仲深晚風吹落日野燒照空林玉椀何

武陵縣志

卷之四十八 藝文志

三二

年出珠裝一斂沈故封餘片壤憑弔發長吟

再遊武陵德山爲雨雪所阻宿乾明方丈次石間周益

公詩韻二首

查慎行 海甯

但令興到便登山路轉鳧鷖第幾灣福地自留蒼翠外閒身
偏在亂離間殘碑日月看猶在前輩風流許再攀五百年來
如轉盼知從何處證無還
城外清江江上山依然白浪轉蒼灣雪飄燈事闌珊後春到
梅花淺淡間竹樹一邱迷出入樓臺幾處記躋攀茶煙芋火
前因在信宿留人未遣還

春晴登朗州城樓

沅水湘煙入望深郡樓閒上當登臨晴邊日作薰檐氣亂裏
歌傷去國心芳草迎船迷舊岸綠楊盤馬試新陰劉申去後
空城在水次猶傳上堵吟

朗州

翎雀彈來新調多竹枝舊法定如何居人不解邊頭曲只唱
西風菜葉歌

江干草市竹爲椽容易移家逐貿遷昨日官軍又南去辰溪
一路有新煙

雨餘天氣好清明薺菜花開去路青樂令園荒桃李盡更無
啼鳥入空城

武陵縣志

卷之四十八 藝文志

三三

督師聲勢重蠻荆父老徒誇畫錦榮不信但看楊相國遺恩
還在武陵城

乾明寺

王爲垣 龍陽

已識南能域猶傳善卷村石依雲作髓山結水爲根一徑重
華路雙株古佛門欲尋禪寂處蟲語近黃昏

雪霽登郡城西樓

楊 緒 邑人

憶向春明聽曉鐘豈期歲月老孤筇十年已鑄身爲錯一劍
猶存氣是龍閱世久經三折臂看山盡似九疑峯只餘傲骨
支霜雪新製漁蓑當紫茸

新居

楊超曾 邑人

地僻軒輿少官閒卷帙親討論銷日月驅逐謝風塵圭竇容
蕭散巖廊卽隱淪眼看秋向暮愛菊佩堪紉

重遊平山

咫尺平山路孤遊一再經按圖雙堠遠極目數峯青洞壑多
幽異神仙隔杳冥不知虛白叟何處結茅亭

讀武陵楊相公疏藁

朱之宣 湘陰

三百餘年養士恩敬將君父慰忠魂事繁諸葛秋風隕戰苦
睢陽陣色昏十指濺來心有血九原冥去骨何存千秋信史
誰傳筆莫使孤臣夜叫冤

枉渚

辭 漢蘄水

武陵縣志

卷之四十八 藝文志

三四

枉渚倚孤棹意行隨杖藜鷗邊漁艇小牛後牧童低秋色多
因樹寒聲半是溪何當買茅屋此地卜幽棲

舟次德山下作

胡浚 山陰

層厓豁處沅交湘水宿屯遭江路長桂竹筧泉經寺隱稻花
濛雨釣磯香德山擔疏終支節善卷遺村亦渺茫猶恐醫師
笑凝滯憑將孤興和滄浪

武陵竹枝詞六首

福地參差泡沫間綠蘿傳說是仙山三休不向中峯住僅抵
湘娥鏡一鬟

曲 曲千迴峽水清笛聲哀怨寄空舸武陵深淺知多少只畏

南山毒霧腥

漁網磯長水拍天紅鱗簇簇柳枝穿估人但說鱒魚美不識
鱒鯉大似船

洞口神仙信有無纜船重到便模糊而今一樣桃花岸黃冊
絲毫入版圖

石壁藤花四岸明伏波遺窟尙精英村村畫鼓澆春酒百尺
靈蛇解護身

龍角亭南勝畫圖焦林沙白映寒蘆好溪處處行皆得莫向
桐陰訊鷓鴣

河湫山新息侯祠

田雯 德州

武陵縣志

卷之四十八 藝文志

三五

古屋昏燈矍鑠翁崔婆村井廟門通斷碑疑是邊陲柱壞像
仍矜顧盼雄夕照煙浮鴉背黑野塘香送藕花紅土人莫薦
新菰米恐與當年薏苡同

題畫贈石溪和尚

程正揆 孝感

捲席洞庭去長風一葉歸禪心定落木吟思動殘暉故國人
還老荒城鬼亦啼德山托鉢處今昔是耶非

武陵溪上水牕

張照 華亭

遠山如黛樹如薺日日江流東復東萬里悲涼千古意一齊
收拾此牕中

楊長蒼洗冤錄歌

劉 失名

廣明之際陽九秋入柱將傾天爲愁滄海橫奔勢莫收嗟哉
楚人承其流武陵忠孝具至性枕戈誓雪君親仇遭逢主眷
起苦次墨經不暇爲身謀烈皇臨軒親授鉞廟堂促膝諏前
籌帑金詔發三十萬晏餞親御南薰樓須臾中貂捧宸翰吟
成細柳旌條侯君臣灑淚鑿凶去殺氣千重隨蚩尤驕兵悍
帥盡股慄先聲已據張羅喉瑪瑙血戰賊幾殲武功第一眞
無儔捷書早上思陵喜旦晚飲至纍諸俘困獸偶逸原意外
奪符殘籓鬼蜮猶街亭悔不誅馬謖前軍一夜頽旄頭以死
塞責亦臣職忍待三北空貽羞後來豎儒鼓唇吻局外成敗
兼恩讐雌黃失實騰百喙九原盆覆何時休側聞逆獻入湖

武陵縣志

卷之四十八 藝文志

三六

湘于公積恨到山邱鞭尸撻墓備慘毒大鳥難尋土一坏殺
賊豢賊本暴白楚人不幸多齊咻可憐孤兒憤填臆刺血濡
墨勞爬搜盡翻劫灰洗冤蠚草木頭脚疏所由辛詞足令鬼
神泣老筆更與風霜侔尙念遺書無副在白頭抱負求皇州
酒酣擊筑興爽颯夜闌歡劇提吳鉤我昔羈栖鐵甕城偶檢
野錄未散憂燈前搦管著小辨燦然花燼如相酬長安重讀
洗冤錄不禁起舞豁雙眸岳珂顛天天爲泣去疾陳冤冤豈
度一門忠孝具千古元黃水火徒啁啾

酬石谿和尚贈畫

王 岱 湘潭

石公筆墨眞離奇一石一木匪所思大者山河撐法界小者

芥粟藏須彌胸中本具千邱壑不與粉本爭起落畫家開口
稱宋唐了菴大笑連呼錯我觀法界初立時本有神人自開
拓中有巨山海四隅四部州分四郭廓百千萬億風氣殊世
眼少見生驚愕石公學道住牛首十數年來閉關久偶然遊
戲翰墨場豈與兒曹論好醜三昧之趨定慧力斷絕時蹊出
胸臆徒使見者生歎嗟比似蒸沙不可食若將筆墨求石公
面壁那是西來意

冬夜雜感

高綱漢軍

匝地霜風斷漏壺燈前對影覺心孤星移殘歲同傾酒官換
新疆總傍湖詩境久荒慙瑟縮藥材深辨識精麤當時愁絕

武陵縣志

卷之四十八 藝文志

三七

漁郎處橘柚楓林聽鷓鴣

殘臘風光忒剎那夜郎消息問如何傳移檄校征鴻疾輪輓
舟如落葉多官道尙聞行店少蠻雲頻見捷書過將軍早起
瘡痍痛莫讓千秋馬伏波

武陵風俗詞

沙平水落草萋迷煙樹村村近午雞葦岸一灣漁罟集湖田
二月稻秧齊

白馬湖光秋水澄白蘋風老暮煙凝輕舟盪槳大隄女月下
歸來唱采菱

漁家設網更張羅雪後川湖水族多賤賣白鯧共黃鮎生擒

野鴨與天鵝

山傍湖天易得名孤峯築塔小崢嶸
挈舟枉渚灘聲急十里南風便入城

大編小艇聚城旁上溯黔陽下武昌
共喜年來多利市不裝軍食卽軍裝

堆盤藜蕨雜蒲芡折項葫蘆不刮毛
魚走雞飛驚客起袖中餅餌綠荷包

和雪聲太守正月二日韻

查嗣邵 海甯

使君政不恃威稜教得溪童禮讓興
兩郡清貧蒙布被廿年苦思對油燈
環城綠浪春冰泮繞郭青山暮靄凝
冉冉和風

武陵縣志

卷之四十八 藝文志

三八

吹畫戟了無餘牘有詩謄

常德懷古

傅爲貯 貴州

木蘭舟陰洞庭波誰閉荆門細馬駝
十日竟成河朔飲一樽聊對楚山歌
龍標去後風流歇夢得來時雅韻和
義帝亭荒□井廢不知何處月明多

聞家移明楊太傅故宅

陳長鎮 邑人

望鄉銷壯志思舊感芳樽不謂平津閣
還開仲舉園江山猶剩在鸞雀亦多喧
一室何能掃招賢未可論

題明楊太傅西莊

山河未改綺樓空草色潛侵小院東
雲起祇今依大樹月明

何意近雕櫳華亭鶴去餘油黍鼎水龍歸少挂弓回首榮華
衰謝盡年年金谷野花紅

武陵陳宗五逝已三月同人聞訃爲位以哭

郭煥善化

纔著朝衫慰倚門不堪淒斷聽離猿百年竟短英雄氣一第
終孤日月魂如此凋零成我輩更誰憂樂共黎元乾坤至竟
留遺稿生死彭殤遽可論

珠履吟

陳悌邑人

行行朗水濱寒煙披古路老木撐虬枝空巖濺石乳日月荒
古今滄桑閱朝暮當年珠履坊邸第飛巷霧交疏結綺窗阿

武陵縣志

卷之四十八藝文志

三九

閣亘回互食客三千人颯沓蛟龍聚闐闐儼天衢車馬紛雲
布魚目笑明月瓠齏夸璠璐赤烏踏花甄炯炯星光度一朝
進李園孤惑移芊祚縱有失英謀無補平生誤斷碑蟠古螭
蟬鳴夕陽墓夜雨滋苔蘚精靈邈難遇翹首望蘭陵蒼蒼杳
雲樹

春雨偕友人出東郊尋蔣道林先生桃岡書院遺址

朱景英邑人

春日豁遠近駕言陟東皋遵渚愴容與越陌循周遭曖曖起
村煙輝輝吐繁苞爲貪及時賞詎辭紆軫勞緬惟道林叟講
席擁自高心契千樹月丹霞現白豪此意渺難會相就訊同

袍

過耆闍寺

黃葉聲中蠟屐雙來尋初地背秋江穿蹊詰曲行香篆隔樹
微茫見佛幢西竺人回塵塚夢南朝僧老雪霜降原注寺為東晉元

初釋惠元建沙門竺慧亦居此精苦有戒節見梁高僧傳六時鐘磬三生路趁聽松關雨

後涼

朗江示諸生

張九鎰湘潭

朗州文物壯江城况復星池正聚英堂有星池麗藻額三聘禮逾前

太史六堂規仿舊諸生當春展卷花黏席向夕哦詩月照檠
鬥捷幾人誇小技能耽經術卽科名

武陵縣志

卷之四十八藝文志

四十

牛鼻灘口

龔大萬邑人

明月隨歸雁清沅返客舟市鐙依岸近鄉語隔江稠問歲登
禾後懷人落葉秋柴門欣在望風雨慰離愁

武陵大水行

郭毓諸暨

極陰源洩崑崙渚黑雲散作瀾漫雨十日五日閤不開千里
居人盡鍵戶禾頭生耳歎良農瓜蔓腐苗愁老圃水神甲馬
珮叢鈴飛廉前導陽侯鼓牂牁江勢抱城來橫流迅激關強
弩駭浪陡高七十尺毒龍怪蛇怒掀舞城西蟻穴潰長隄城
東犀角穿堅土三更吶喊震萬家急如魚鳥擲網罟穴瓦出
屋屋已頽石雞不叫天晦莽朗朗忽驚礮礮光一聲霹靂雨

亂下竄奔有路水爲家飛漂隨流雜男女偶然得樹枝上栖
哭聲不斷招柔艣哭多力盡氣息微寂不聞聲沈水府斯民
百萬將爲魚黃堂猶按崑山譜足如錦罽花氊地不識人間
昏墊苦浹旬瀕洞勢未衰婦求死夫子死父我亦中宵瀕死
身越人善泅能撐拄資裝半已付波臣還留豪氣壯羈旅驚
魂痛定賦新詩歲在丙戌月夏五君不見桃花洞裏避秦人
桑麻雞犬長安堵

登江神閣

朱和塚 邑人

江渚尋佳搆蘭蘅薦一庭當門收遠舶隔院聽繙經

自注閣右爲迴

風古剝樓閣臨無地風騷乞有靈留詩懷屈子煙水際青冥

武陵縣志

卷之四十八 藝文志

四一

午日偕友人泛舟枉山

葉馨 晉江

暫解塵中物外遊閒情偶寄枉山悠片帆不覺歸來晚幾點
漁燈照夜舟

武陵許南英有遇妖事詩以悟之用東坡芙蓉城韻 并序

周大澍 長沙

蘓序述王子高與周瑤英仙遇甚幻至今人豔稱焉
武陵許生南英績學工文一日扶鸞召仙值妖致雷
擊之異旣設壇醮雷三年而妖不去近聞損疲日甚
私心竊爲生危因用蘇韻作詩悟生兼欲豔其事而
傳之比生於芙蓉城之遇或疑生所遇者仙也生所

遇者魔也烏可同年語余獨以爲情之所鍾無聖凡
仙佛人鬼羽鱗動植靈蠢一也迷於情而墮於劫仙
未必不魔止於情而出於妄魔何遽不仙耶蛾眉瓠
齒巧笑豔影天下之傾麗也然而大者亡國其次亡
身諸天夜叉毒龍咆哮天下之恐怖也然而戒定以
斷塵慧定以證果亦曰心而已矣情發於心而止於
心故曰魔隨心生亦隨心滅心之所際無量無邊如
針孔如粒粟如恒河沙如須彌五岳以至今世界萬
法輪億元會焰生則化城火劫垢淨則大海瀾迴內
景谷神般若舍利亦未有加於心者也是以心錮則

愚心失則狂則很則悖戾心業則魔心正則可聖可
賢心專一則學入神藝入化心了脫寂徹則佛則仙
情何病於心心何病於情耶卽生所遇言之無論異
類獰蠢可驚可愕可唾可涕而一往纏綿投合無間
眞有忘其形之穢以自媚於君子之光儀者其情正
自佳則其心大可原耳乃顛倒沈淪馴至圍消帶滅
此非魔者之情鳩而惑者之心汨也設生之遇爲仙
爲人麻姑飯砂萼華留佩綠珠擁膝絳樹橫陳不能
發乎情止乎心緣盡悲生目成魂斷吾又烏知陽臺
雲不卽羅剎骨耶由是則生之事不必諱生之情不

必癡而生之心可悟矣今欲生得於悟以返真傳其事以示幻丁卯橋邊圓澤石芙蓉城畔會相逢行爲

生賦鈞天曲矣姑掇其事於詩將俟博雅者爲之傳

世間怪事決冥冥遼東歸來豈必丁何況心源琉璃屏皎無

絲礙鑑傳停靈苗不灌自青青沐浴日月胎列星針孔能容

五岳形貝葉可繙千佛經呼吸萬竅役百靈瞬息八極無留

輶丁卯橋人四岳胄枕藉脈望餘芳馨何爲驂鸞叩紫庭兒

女恩怨喁喁聽生自云方入魔之杯中有影誰所令傳云生

也先從入心由是出入無時莫可知矣玉鉤銀箔悄無櫺是

耶非耶若有人蘓詩此句去聞蕭蕭來泠泠魂元關門長不

武陵縣志 卷之四十八 藝文志 四三

肩巴骨竟化文鴛翎三聲上仇暴震霆瓦飛裂屋火燔亭歷

劫不壞心鏤銘生云方雷震時耳中語云金蛇掣電繞鈴屨

雨散雲滅風語鈴火山劍獄夢初醒魂飛魄簸悸不甯懺悔

甘露楊枝瓶元壇夜醮燈熒熒三載沈滯猶滅零或恐鮑久

不聞腥我生豪氣拔滄溟袖中三尺吼青萍泊乎無營谷神

庭寂照入定驅心螟授君眞浩長年齡防差一念蔽罪刑

壬寅初冬謝武陵鐸篆 張正笏 湘鄉

薄宦羈牽朗水湄吁吟猶似在山時桃花洞口迷漁父柿葉

堆中老畫師八十年來鑽故紙一千里外擁皋比雪鴻蹤跡

知何定詎學鷓鴣老一枝

過漸水橋

姚定益 邑人

灋陽一路指煙埃水市臨風獨舉杯
過雨園林蟬噪晚傍溪樓閣酒船回
山圍漢壽三秋近水自靈巖百折來
此去洞庭應不遠九江波浪碧雲隈

登平山懷古

沉江西岸高吾山首夏登臨一散顏
薊北滇南分古道水迴雲度會松關
壺頭舊壘悲新息盤瓠荒祠祀土蠻
虛白不來眠石冷白雲低覆紫苔斑

枉渚

枉渚殘陽卷白波雨餘嵐氣染晴蘿
船頭簞簞閒於我卧看

武陵縣志

卷之四十八 藝文志

四四

金霞擁翠蛾

孝子唐景文孝行八圖詩

朱 琿 涇縣

世人皆讀書誰識忠孝字簪組既無分
潔馨吾所事庭訓識弗忘齟齬頭角異
飴經有遺集慎守猶在笥文行希古賢
此之謂養志

藹然體親仁戕賊毋及物嗟爾膏鼎俎
微命獨思乞蟲氣積座隅但持輕帚拂
肖翹亦咸若龍蠖孰伸屈賜生必畜之
遵聖非佞佛

存心苟推愛於人必有濟聞述先儒言
忍令溝壑斃施糜買鄰穀踴躍拯饑歲
身瘁我奚恤病中尙垂涕試觀流民圖
應

是神所繫

慈母患心痛百醫疾不損扁盧隔沅水焉敢辭往蹇層波屹
如山一棹獨安穩當其跪而禱歛見陽侯遯乃知純孝人天
亦鑒誠悃

煮藥致燎鬚英公以奉姊同體且有然何況是人子一爐火
燄燄精氣貫其裏憂懼方交并无妄乃占喜不須覓靈草蓬
島徒遠跂

兩世至誼敦苦廬卽墓舍虎蛇不爲害凶毒竟能化逮君守
慈喪哀泣徹寒夜終身孺子慕食蓼未啖蔗巖谷此依然蓼
莪長如稼

武陵縣志

卷之四十八 藝文志

四五

兒病入膏肓不能終養父彌留强扶起捧手淚如雨齋志已
畢生闕惟妻子補苟偃目猶視漫勞范宣撫想見九原中時
時陟彼岵

附錄章榮孝行入圖跋云承父訓述一祖學相誠勉先生登公季
子五歲能誦孝經言笑不苟父圖述一祖學相誠勉先生登公季
能文者也君子咸稱其通志鴻臚生圖二景文先生見父子誦
感應篇凡人笑其迂黷先生曰父教也蟲濟愛圖不許踐文嘗
買生放之牛犬龜迂黷先生曰父教也蟲濟愛圖不許踐文嘗
生侍父側聆程子存心愛物於邑侯某有見而濟之言乾隆戊
戌官命買鄰穀賑子飢勞瘁幾病於邑侯某有見而濟之言乾隆戊
公事也抑父命也禱願以醫身代聞沅江有醫名章氏患心痛
百藥罔效晝夜祈禱願以醫身代聞沅江有醫名章氏患心痛
卽往請過天藥湖風雨大作舟覆遠遊父母無恙醫至母
病旋瘳煮藥圖五景文先生獨母不恙醫至母
懼不安延醫診脈與景文先生力卒事繼煎煮嘗而後進日
久弗倦滌器圖六景文先生力卒事繼煎煮嘗而後進日

病瘡狀褥皆汚穢侍奉數載不懈妻莫氏偶抱病先生口
親爲繼母滌溺器繼母每舉以告人廬墓讀書夜有修蛇
生祖母黎年九十餘卒梁山隨文廬墓讀前父倡有巨蛇
猛獸繞其廬不爲害先生遇祖父母忌日齋戒祭祀必誠必
敬命先生就廬編文輯先生年三十餘病革呼妻祀扶之捧
父手泣曰兒不能終養顧妻子曰宜代養惟謹兒重使詔
獲不孝之罪於地下也養顧妻子曰宜代養惟謹兒重使詔
須讀書盡孝云

七月十六日泊牛鼻灘

許南英 邑人

良夜難頭客泊舟碧天雲淨火西流寒驚雁陣沙痕亂澹徹
漁歌樹影幽月白有懷王戌望風清如坐武昌樓酒醒一笑
推篷起穩掛晨帆指橘洲

永綏守備朱慶錦闔門殉節詩

朱 失名

武陵縣志

卷之四十八 藝文志

四六

國家承平百餘年食毛踐土何安然戶口數增十五倍林林
總總皆生全有苗一旦忽蠢動焚掠淫殺喪其天中有漢奸
爲主使雲貴川廣互蔓延巉巖峭壁恃險阻深林密箐逞戈
鋌郡邑固守不敢入鄉村墟落無人煙民不知兵盡逃竄誰
歟奮勇乘危顛當時箠鎮躬往剿 鎮箠鎮總兵明安圖 被困鴉西地勢
偏公時方爲永綏備奉檄馳赴援獨先 隨同永綏協副將伊薩納 蜂屯蟻
聚不可遏揮刃力敵攻其堅亡何軍敗鼓聲死公也轉戰軀
命捐一家妻帑共六口聞信甘心從九泉或刎或縊弗返顧
義不受辱甯乞憐迄今有苗已來格 朝廷優卹詔同宣錄
其嗣子授世職蔭雲騎尉旌戎旃以後仍襲恩騎尉與國罔

替姓名鑄丈夫矢志殉國難屍裹馬革委窮邊婦女亦知明
大節筆諸史冊庸非賢聊誌蕪詞表族誼余於錦忝居叔輩忠烈萬
古長流傳

武陵雜詩

師 範 趙州

到此才知客路長春煙黯黯水茫茫人非屈宋天難問地是
湘沅草易香劉夢得來詩境濶馬文淵去陣雲荒漁郎莫被
桃花引晉魏都從一飯忘

湖分南北仗中權旌節軍門迹已遷孤艇白搖春夜月暖風
黃入菜花天羣山映郭參差出列肆臨江遠近連形勢西南
推第一莫教容易廢戈鋌

武陵縣志

卷之四十八 藝文志

四七

甘泉寺懷古

周邵蓮 奉新

莽棲何處甘泉寺飲水題楹憶寇公天際關山瓊海北雲端
魏闕汴梁東觚稜回首恩偏重梵唄輪誠道未同敢爲乘風
便歸去瓊樓高在曉寒中

曹吳氏畢命歌 并序

阮大綬 益陽

烈婦吳啟松之女適曹姓年二十八夫故遺二子方
襁褓舅姑皆沒惟繼祖姑在會歲歉乏食夫之伯叔
迫令招夫撫子氏不從號泣赴水死時年三十五

妾本儒家女幼嫁里中兒願同比翼鳥願作連理枝十年傾
所天涕泣誓相隨摩挲兩兒子女幼小憐嬌癡堂前無伯仲室

中無儲資儉生固背義拚死亦不辭勉強事提攜辛苦力操
持兒女漸長成貧賤甘如飴胡遭不造撤我籬籬乃納狂且
罔念四維嗚呼噫嘻東日不西出南山不北移節義不可虧
鬼神不可欺狂且在室意欲何爲履我東房闔拂我東房帷
忽然整衣履忽然理容姿顛倒曰欲夕欸欸前致辭嗚呼噫
嘻妾頭可斷妾肝可披妾膚可裂妾體可糜妾心堅白不磷
不淄狂且狂且胡不知前山曲兮水滿池妾死此兮夫復何
疑夜悄悄勿遲遲九泉之人兮俟妾多時

廟門水 有序

黃鏞 吳縣

武陵郡東門外護城有隄弦抵上流隄側有水神廟

武陵縣志

卷之四十八 藝文志

四八

鎮水災也歲丙午積雨溪漲水勢浩漫歲久土潦隄
洗爲潭民廬漂陷溺没多人而廟以石築獨存爲作

廟門水詩

城之東隄如虹撼飛流聲淙淙防水築隄隄當衝 維水有

神廟崇其側鎮我民災惠我民德 歲律在丙溪水橫流神

其保之民心孔憂千金不恤爲神酬 深宵水決隄忽中斷

民爲魚鰕神獨離難僉曰神靈登彼岸 治水有術厥性是

馴惟石之固曷懼咎辛沈冤漂怨神無聞哀哀鬼哭皆黎民

解五

擢武岡再別武陵士民

許紹宗 咸甯

一官匏繫信前緣屈指重來又二年此去鴻泥如印爪到時
黃口已齊肩人情舊雨應難別宦況浮雲亦重遷願似桃花
溪土水春來不隔武陵泉原注武岡治前有武陵井相傳與
武陵通春深有桃花浮出
驛路輶軒萬里通終朝草草送迎中勉將餘力勤官政尙有
遺氓說古風桃李一溪春自滿桑麻萬井歲常豐臨歧贈別
無他語士愛廉隅農服功

朗江晴遊靈樞宮循府河驛路入忠義祠小憩

楊宗岱 大庾

團焦小構面城闌二氏居然德有鄰偏覺鳥巢無衲子猶疑
鶴馭是真人松聲絕響難醫俗柳色能空不染塵且倚樓牕

武陵縣志

卷之四十八 藝文志

四九

開四面半仙半佛捨閒身

朗江書院西池觀荷次研北翁韻

羅典 湘潭

不是紅香濯滿池栽培無力負皋比編成脫穎錐如許並作
生花筆亦宜謝句芙蓉君手出毛詩菡萏我心知頻來莫算
肩輿值月曉風清雨過時

黃溪隄莊上偶題

梅濤 邑人

迎眸隄畔白鷗眠穉稷登場又一年疲馬解嘶秋草路西風
淨掃碧雲天沿溪帆度疏林外隔岸人歸淺水邊更喜漁歌
聲斷續此生合住輞川前

丙申夏唐生開韶來吳出其尊人景文先生孝行圖索

題漫賦七律兼以誌別

石韞玉 吳縣

卅載持衡憶往年采風曾溯武陵源文章藝苑推名宿孝行
邦人無閒言彤管褒題來 禁籞白頭師弟又無門天涯聚
散原無定垂老臨歧一愴魂 原注唐生開韶為余乾隆乙卯
督學湖南所取士

甲午孟冬往江南卽事留別湘中諸友先寄吳越諸公

三十首 錄五

唐開韶 邑人

吟成一字韻初安楓落吳江見賞難雞肋文章原鄭重豹皮
心事總悲酸孤桐修竹知音少疏雨微雲覓句殘我本程門
勞校字還須隔世奉騷壇 自注云嘉慶乙亥韶以湖南詩徵
呈請方伯翁鳳西先生命韶設局
纂稿又命詩徵外搜輯時
賢流寓詩名曰湘繫初集

武陵縣志

卷之四十八 藝文志

五十

廿年雅集潭州事

自注云嘉慶丁卯余賦潭州雅集詩
和者數百家廉訪曾賓谷先生作記 漢上

題襟定有緣茂叔心期官似隱

自注云周介夫
時官安陸府 君謨書法筆

如椽

自注謂監
利蔡黃樓

白雲黃鶴神仙地楓葉蘆花旅客船况復神

交自涇上新篇寄到衍波牋

自注云涇縣翟芸樓主
講漢陽時有詩寄余

滄海枯鱗信幾沈春風化雨感人深直教薦引千秋業足見

提攜一片心

自注云道光元年彭葦間先生官常
太守舉韶孝廉方正韶辭不受 阮籍窮途

無旨趣蒙莊環外有知音更承元晏鴻才麗一序流傳重若

金

自注云葦間先生為
韶作桃花源志畧序

小園蓬壁倏生輝孝行先人賴闡微

自注云小園築
旌孝閣制府阮雲臺先生題

排悶未醒前日酒禦寒仍著舊時衣秋蛩絮語憑誰訴病

額

鶴梳翎強自飛猶幸賞音逢大雅臨歧相與奏瑤徽

雪鴻煙鷺隔湘濱迢遞關河一問津細雨涼燈湖上舫青山

紅樹夢中身門前棹楔須光耀

自注云嘉慶庚辰先君子以孝子旌

篋內叢書

漫隱淪一事關心拋不得小兒督課怕因循

屈大夫祠

王寅 邑人

生念懷王未識恩死留宋玉與招魂江魚有福吞忠骨山鬼

何愁拭淚痕秋草恨餘三戶渺離騷體到六朝尊可憐祠宇

依湘水猶向江潭望郢門

春申君墓

一坏荒土委荆榛渺渺風煙接壽春十二金湯空鞏固三千

武陵縣志

卷之四十八

藝文志

五一

賓客盡沈淪空教命將難圖趙應悔陳書枉說秦相楚封吳

多少事九原慚愧問津人

湖鄉五首

陳樂光 邑人

脫袴不須憂布穀不須喜爲農兼業漁終年住煙水

大姑入厨下小姑立門側老婦當場守新收十斛麥

春陰休種瓜春晴休采茶留取織織手終朝長績麻

歲歲插湖田見禾未見穀昨夜沒隄腰今晨浸牛腹

水漲富家憂水退貧兒樂湖西千頃肥何如一網泊

何由得渡河古招屈歌名也久缺其辭爰以截句補之

共九首

何由得渡河河水漾橫波莫洗貞臣憾支流空復多
西望秦關路何由得渡河可憐東逝水不向雍州過
在水有蘭芷在山深薜蘿處處牽幽怨何由得渡河
何由得渡河楚擇惹愁多春晝啼山鬼秋宵冷素娥
水濶無舟楫何由得渡河當年濯纓地不復見漁蓑
俗情妒媵美謠詠及修娥已決懷沙意何由得渡河
何由得渡河淚寄去來波不是當時水沈煙汨汨羅
公欲渡河去何由得渡河君門無虎豹澤畔莫吟哦
蛟龍猶可制鳩鳥亦堪羅只惜王孫老何由得渡河

朱壽田洪流拯溺圖

武陵縣志

卷之四十八 藝文志

五二

霖霖經兼旬逢余家居時危城當其衝奔騰無津涯吾廬偏
相隣鷓鴣巢危枝中宵聞呼號噉噓何能爲長鯨馳飛濤浮
尸多纍纍誰從洪波閒敷恩同埋齒君來馮夷驚君還蛟龍
飢毋令江魚肥稍紓陽侯威環城多遺黎拏舟扶顛危登船
增歡顏餘生蒙攜持歸成流民圖如編哀鴻詩諸君貪謳吟
瓊瑤爭相貽惟吾驚風波言之寒膚肌揮毫題君箋披圖猶
嗟咨

武陵土風一百六十八韻

胡焯 邑人

九江泝困洫五溪注厓涘途分逵九達縣廣霜百里潭星冠
霞標蘭露叢煙陟秋舫詰屈階空籟淙琤水堆煙晃金碧埽

黛團青紫蘚膩滑修磴葭蒼揭幽沚方罫繪疆畎嶂岸繚城
雉篷檣縈隩湄楹桴殖衢市淮漈塞苴哀吳綺臚筐甌江腥
珧蚌聚海利渠頗徙充舸車舍轂騫障踵駢履脂膏異動植
刀布爭倍蓰春花短垣角煙樹重闈裏比鄰接閭閻堵街通
步跬崕舌石敢當獐盼木居士程巧利器具備物不竄嵒城
曉軍鑰動衙晚官鼓捶郵程籤急遞行臺器夙庀土牛斂臘
凍綵燕萌春蕊郡旗碧雲簇農笠青郊企考牧歌叩角勸耕
歡舉趾冒櫛乃拔根熾菑有畧耜植蓺合昆季饁饗侶娣姒
水稻抽細青隴麥駢繡綺車篝襪而祝盃玃擲且跪來牟積
踰仞吉貝生上咫翻水踏龍骨蘄田厲鴉觜勇銳坐喘汗歌

武陵縣志

卷之四十八 藝文志

五三

謳謔汝爾春筐捋桑柘秋困斂糜芑剝菽繼梁粟鬻絲間麻
臬夜紡纁車喧寒織燈篝倚蚕入場畢登燕睇犁先庠繫蔓
瓜敦薪鉤枝木縈藟萬樹揔翠幄千畦散黃蘗葱蒼交薤韭
漣淪濯菱苡紅包磊砢橘絳墮瓏玲李栗剖蝟皮磔榴解蛟
珠泚橙袖龐彭亨芝栢滑滌滄犬護藤花籬羊奔菘芻筆獵
物繫狙獾伐薪培鹿麇樵唱曼而緩漁謳質且俚江練捲不
縵潭鑑照無滓柳煙染濛密蘿渚澄清瀾敲石竹火寒夏絃
浪花駛烝罩驚跳瀾燒炬幽爍汜冑髻爭鈎牽碎鱗挺又倚
𦉳麗泮鯤鮪罾罟窘鰻鯉柳枝綴交結竹籊壓層絜淘河斂
頷吐春鉏拳足跂擔魚賣輸稅射鴨烹酌醅樟松噴響洵桐

楓泫光蕤葩霞豔夾桃瀾露薰有芷秋醪花汛菊醉墨葉題
栉流覽心爲怡推尋掌猶抵大別澤東衡鶉尾天南已攻黔
戰翳羸屬楚割熊芊逃虞不知處去郢乍經此山林跡應在
日月光猶是建置異時代蒞臨多宦仕勳勩或勒石詠題亦
盈紙耆舊峻渠臬觚牘存編紀強學力攷兀良材鬱芟飢登
弼欽矢謨增虔勛介社士女共節概今昔咸休美明室此昨
土榮藩實分璽彤彩璧璫地粧黛綃牕址温磨渺麝篆曼緑
啼蛾妓頰壤瓴甌呈綠髮銀餅毀土花屋礎剝火珠佛塔圯
靈鼇嘯鳶鴟石羊卧荆杞宮隨栢梁炬殿失靈光歸突夏舊
椒壁離樓接蘭卮金釭燦華燭玉瑟咽清徵茜香捧瓊袖翦

武陵縣志

卷之四十八 藝文志

五四

阿爛翠被流波睇凝注從風轉颯纒酡顏味騰臞曼鬚膩簪
珥陽榭彌觀閣前庭列纓履柜芬溢觥觥玉鏘交弁頰羣僚
旅登階四郊靜無壘問誰鎮撫之未久爲墟矣陝寇熾烽庀
荆民血城堦元戎發幽薊賊鋒連越嶲斯人盛名在與古忠
貞擬枕戈赤衷瘁鑄錯碧益死茲疆絕雞犬何辜委豺兕林
焦殲卵殼水沸殄鯨鮪 聖朝壹律度大地同文軌弔伐奠
區壤賑賚芘瘡痍百年此生聚眾族各名氏官府率仁愛民
風不姦宄速訟乍詬誅齊禮識覲恥銚鑄力不辭租稅納可
喜賽神疊鼓喧薦新醞醅釀取陳欣食我躋公樂稱彼鄉塾
課稚幼家老足盤匱過問報蔬菽主賓列腥肺昏娶重似續

儀物罔奢侈鄰里殯相助祠祀親具邇郡縣異庠校鼎勺實
胡簋半璧澄潔清數仞聳嶷岵酌醴備芬馨升筮崇秩祀力
學有拾螢居業知術蛾化俗升秀彥聞風各興起隆勲軼簪
綬餘陰覆桑梓士民固殊業聲教良一理文武恬以熙保養
迭相恃軍輶壯榷榷庫仗羅弓鞞中行疾鷗鵠坳牧登騶駢
物肅鷲擊搏野乾葉離靡迎秋畫角動誓陣旄頭指霜嚴令
明肅雲屯眾墳委高幢蝶霓捲巨鼓虺雷似鏃金攢葉疾劍
玉淬花玳鐵騎後先競雕戈左右以駢槍駭震響迸火飛驚
燬燒雲電目瞋裂石地魄褫月暈帀迴合星舒蠹奇傀振旅
不踰次犒勤各程技居安危不忘知方勇可使童耆望翹首

武陵縣志

卷之四十八 藝文志

五五

原野歡撫髀良止不改井泰亨無傾否蟲早乍蒿日蜈霖亦
生耳自昔閱年世逮茲更安救無端遘災疢斯理費摩揣炎
官虐燔舍霞車焜穿軹礮礮歆歆窘迫號呼哆憲缺怒何
遽羲娥戚而弛奔救急濡撲遁逃轉靡迤讎融屢無鳩禳冥
冀有豸燎原眚始息降潦病未弭洲島漲憑灑岸沙皺崩崙
瀆淪忽無地跳突不移晷潏波齧城根衝風泐石齒儵涸力
益倍潰裂勢不止逐利緣岸近負郭居室庠溢戶鼃竈沈摧
棟鼠墉阬盪賄散逐波升陴爨懸錡斷隄驟破盜拔樹疾驚
矢登墟奔野嫠抱木啼村子瀉澗沒畦町漂溺殃犢豕富廩
尚黍稌貧殮絕糠粃在陳有先庚舍魯孰呼癸踏災減租稅

賑難授匙七度歲安里居俟春更耘耔撫字有保障豈弟仰
岵岵儲水蜀城並漑田鄴渠比祈年介庭碩報功覲壇壝陰
陽不愆伏箕畢無詬訾穉穉堅且好與與億及秭攘攘飽而
歌熙熙立相躋里社備秬粟常平爛柜稬安流澄不波周道
平如砥途驛豐芻禾亭館列筵几滇黔輿騎供交廣艫航艤
貨存泉府制矩用先民揆懷忱抱忠愨含和羞譎詭歌風安
以樂詠雅多且旨吾道自平易異教虛戾俛宗儒知好仁樹
節嚴律已摛華暢文蔚希古協倫擬草野表貞節義誠浹肌
髓端本澄其源復古佇而俟 昇平化所洽醇良績斯底郵
樂不改轍般倕無棄劓青青伏雉桑蓂蓂棲鸞枳武溪鬱罨
武陵縣志

卷之四十八

藝文志

五六

畫崧梁深摧嶽風有乘駟采詩愧雕蟲鄙錯列辭不倫流連
意未已

新隄詩

并序

是歲夏水復漲決東西隄卽十一年秋所築也五溪
滙黔蜀萬壑之水奔流而下經武陵東入洞庭武陵
附府治枕水北岸北岸之隄自桃源境逶迤而東帶
城而下達龍陽縣境連洞庭之岸庇數百里民以生
以食以災至之不一潰裂之不虞或百年或數十年
或數年因其潰壞而增築之其在洞庭厓溪之交圻
堰之所束泥沙之所壅岷江之漲橫拒而不相受下

流不行而水之爲災遂以日甚其決也太守王君與
宮保提督余公周行郡邑出廉俸募資財濟民乏如
曩歲命屬官行災戶上大吏乞 恩綸給資糧立居
止俟水之涸而續種其畝易危而安變歉而豐築隄
之需請自督軍以下官與民任之君尤重自輸之喻
郡人士交募以濟覘水勢度地宜改築東隄始於季
秋之望越明年夏乃成廣舊石岸於城東五里鹽關
之下隄之濶九丈長三百餘丈與舊隄相續覆土於
地其高以堵杆之使固繩引巨石力舉擲之隨其堵
而漸增之下濶上斂以至於成鑽隄爲穴注以水而

弗洩也其堅如是視西隄之潰裂者補築之同時而
竣事郡人士戴君之德以爲君之治郡勤於聽斷而
示以禮讓庇其災疹而生殖之固其隄防以備禦於
後擬以南陽之興利鄴城之鑿渠弗是過也作新隄
之詩曰

九江洞庭浩茫茫北納涔澧南蒸湘洞庭之西楚南疆雄郡
北壓雉堞隍五溪西來不可當長隄千丈爲民防廬井阡陌
勤耕桑輸稅充饗粲酒漿歲及析木蛟蟬狂瀉蕩縣邑驚奔
忙決甕破盎跳陸梁老漂弱藉傾棟牆瀦畦沒穎漫困倉廬
侯拯之逮秋霜鑿錘負築距圃場西隄盤礴東隄長泥沙壅

湖污堰妨疏導下流籌則良恨無禹力驅龍翔俶訾之次重
離殃決岸拔屋林木僵北浮隴畦浸壇鄉惟君療飢哀資糧
上陳使星達天閭奠民攸居匙箸將下洩泥潦播稷梁力
拔飢疹回倉箱聚金役土尺度量束版椽杵相低昂千夫邪
許聲浩倡磐石擊觸堅雷礮圓岸東縲石齒方南津遠薄交
平岡晴虹竟天鬱相望我君治郡師聽詳班春煦和民志康
宣布聖世時雨暘黔蜀萬壑流濫觴雄櫺西濩紛岐旁沉
流東下無披昌洞庭北渚君山蒼注江靜赴歸墟藏左顧枉
渚右辰陽沉芷碧汀津綠楊東阡西疇北康莊稻黍穰麥秋
穰穰何用芟玉歌宣房金隄永護東郡王何以報之躋公堂

武陵縣志

卷之四十八 藝文志

五八

兕觥春酒烹羔羊祝君長生樂未央

水災紀事

沅流直湧長隄決壞屋衝田駭浪高出地蛟龍雜風雨沸天
人鬼共呼號荒荒大野一朝盡蠢蠢殘生何處逃數里孤城
半城水只愁中夜掣靈鼈

魚腹奔逃滿郡來苑生無地不堪哀賢侯竭蹶先蘇困行省
殷勤急恤災分粥療飢人已定築隄代賑議新裁丁男得食
餘當計老病攜持婦與孩

城野已無多積貯通商糴米向他州沿湖幸假帆檣便別港
誰生攘竊謀楚客空聞渡湘水蜀船祇自泊沙頭欲供民食

須長策弭盜先煩借箸籌
一石水容泥數斗年來污積復如何山谿漲滿交流急湖岸
隄增逆壅多無復別瀦堪瀉水可能機器學排河於今版築
工方亟要恃年來水不波

三閭大夫廟五日作

楚鄉風雅舊祠堂讀罷離騷更九章此地相知惟賈傅當年
可惜是懷王愁深巫峽雲如夢春盡江南草自香却怪今朝
人競渡徒令漁父唱滄浪

春申君墓

國士酬恩意未平春申應悔失朱英空來郢上三千履不返

武陵縣志

卷之四十八 藝文志

五九

江東十二城函谷著書人寂寞夷門弔古淚縱橫孤墳楚客
誰澆酒南國西風夜有聲

馬伏波廟

老據雕鞍萬里征壺頭人指漢家營東都銅馬勲猶在南國
文犀恨未平伏闕英雄餘涕淚卧牀兒女笑公卿我乘欵段
祠邊過橫笛悲歌別有情

司馬錯古城歌

秦發隴西車連轢過蜀三川如虎跑攻楚黔中建旗旂命司
馬錯揮鞭鞘糗糧畢備峙芻茭夷矛韞弓紛轆轳楚甲被練
出牧郊秦師超乘輕騰勦鏗金殷鼓戈鋌交霜電擊掣飛鳴

鶻債地僻土溪山均夜營霧黑秋風颺峙乃楨榦從所教築
城雉堞設櫓櫓列版役土固漆膠長雲矗岸錯卦爻羅列竈
井不溷淆旄旆帑矢軍吹饒秦用制楚西南抄捕鹿犄角相
擊掙張軍力鬪聲闕虓錯也建勲如拔茅卒獲鄢郢佚穴巢
經營八極成并包章臺棱威乍咆哮開籍受沛失函崱分割
混一空饒饒羲娥終古代擲拋楚江野木啼鶻鵲舊壘蹬塌
豐青苜樵牧歌唱林橫梢麋麋兔豕麋鹿麋壞垣煙濕篁竹
苞荒臺架屋亭蠓蛸積塹敗葉文如鮫胃塗秋蔓鈎衣綃春
耕破土羣喧呶古器不識人訾訾折箨斷戟堪合摻血燐驚
墮夜柝敲遠樹覆綠垂鬢髻感古慨歎漫譏嘲飛騰戰伐瞥

武陵縣志

卷之四十八 藝文志

六十

幻泡雄名卓犖虛誇詼賦成掣管鞭鼉蛟蕪城之歌角逐嘍
下車攘臂縱青骹叩擊瓦缶爭絃匏

武陵道中

嚴學淦 丹徒

一襟山翠武陵谿到此千峯盡放低遠水平沙風細細雁聲
移艫下湘西

數行髡柳雪平隄乾雀聲聲破凍啼鬪起雙鸞牛角外半帆
紅影晚霞西

登樓玩雪口占

全 賦德山僧

十年此懷抱今日一登樓四野雲明暗千林鳥去留天頑無
可似吾老欲何投久病憐柴骨方牀又滿愁

遣子省翁作詩勗之

嚴氏邑人

多年貧苦不須提子在家時
已知薄粥近來猶費力
賃居今日更難支
堅貞靜守三從義
辛苦何勞兩鬢絲
一片冰心池上雪
望兒早折桂叢枝

論曰邑乘之有藝文存邑事耳
匪以人存詩以詩存人例也
故茲帙之輯輯邑人之詩文
有關邑事者而宦游流寓名公
瓌士光我疆域之作參採焉
苟欲覽其全則卷山世父所選
刻之常德文徵四十八卷行世
亦已久矣

武陵縣志

卷之四十八 藝文志

六十一

武陵縣志卷之四十八終

同治癸亥
銀本